


88 წელი თქვენთან ერთად!

88 წლის წინ, 1933 წლის 2 აპრილს გამოვიდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედის, გაზეთ „ჩხარის კოლმეურნის“ პირველი ნომერი.




„არს მთის კალთას, სკანდას, სასახლე მეფეთა და ციხე დიდი, დიდშენი“
ვახუშტი ბაბრათიონი

თერჯოლა

სახოგადოებრივი გაზეთი • გამოდის 1933 წლიდან • №15 {7044} 2 აგვისტო 2021 წელი • www.Terjola.gov.ge

2 ოქტომბერი ადგილობრივი თვითმმართველობის არჩევნები ანუ დიას თუ არა ვადამდელ საპარლამენტო არჩევნებს



საქართველოს ადგილობრივი თვითმმართველობის ორგანოების არჩევნები 2021 წლის 2 ოქტომბერს გაიმართება.

ადგილობრივი თვითმმართველობის ორგანოების არჩევნებთან ერთად, ევროპის საბჭოს პრეზიდენტის, შარლ მიშელის მედიაციით მიღებული ხელშეკრულების შესაბამისად, არჩევნებში ჩადებულია ე.წ. რეფერენდუმის მექანიზმი ვადამდელი საპარლამენტო არჩევნების დანიშვნასთან დაკავშირებით.

ვადამდელი საპარლამენტო არჩევნები დაინიშნება 2022 წელს იმ შემთხვევაში, თუ ადგილობრივი თვითმმართველობის არჩევნებში პარტია „ქართული ოცნება“ მიიღებს ნამდვილი პროპორციული სმების 43%-ზე ნაკლებს.

თუმცა, სულ ახლახანს, 28 ივლისს „ქართულმა ოცნებამ“ სპეციალურ ბრიფინგზე ამ ხელშეკრულებიდან გასვლა დაანონსა. ამ და სხვა საარჩევნო თემებზე დანვრილებით მომავალ ნომერში.

კვლავ ინფრასტრუქტურულ პროექტებზე...

სახელმწიფო პრიორიტეტული პროგრამებიდან კვლავ ერთ-ერთი ყველაზე მნიშვნელოვან ადგილზეა ინფრასტრუქტურული პროექტების განხორციელება. რა თქმა უნდა, ამ პროექტებში განსაკუთრებულია საერთო სახელმწიფო მნიშვნელობის პროექტები, მითუმეტეს ისეთები, რომლებსაც ჩვენი ქვეყნის სტრატეგიულობის გამო მაღალი კონტინენტალური ღირებულება აქვთ. ასეთთა შორის უპირველეს ადგილზეა საერთაშორისო ცენტრალური ავტომაგისტრალის E 60-ის მშენებლობა, სადაც ამჟამად მიმდინარეობს მეტად მასშტაბური და საპასუხისმგებლო ეტაპის სამუშაოები რიკოთის უღელტეხილის მონაკვეთზე.

მნიშვნელოვან ინფრასტრუქტურულ პროექტებზე მიდის მუშაობა ქვეყნის თითქმის ყველა რეგიონში და აქ გამონაკლისი არაა თერჯოლის მუნიციპალიტეტი.


როგორც წესი, გაზეთი „თერჯოლა“ ტრადიციულად დანვრილებით აშუქებს ინფრასტრუქტურული განვითარების პროგრამა“ შემდეგი პრიორიტეტებით: პრიორიტეტი-1 „ურბა-



ტურული პროექტების განხორციელების პროცესს ჩვენს მუნიციპალიტეტში. გამონაკლისი არც დღევანდელი საგაზეთო ნომერია, რომლის გვერდებზე (გვ. 3,4,5,6) თქვენ გაეცნობით ამ მხრივ ბოლო 4 წლის მანძილზე მუნიციპალიტეტის 5 ადმინისტრაციულ-ტერიტორიულ ერთეულში შესრულებულ სამუშაოებს. ამჟამად მკითხველის ყურადღება გვინდა გავამახვილოთ რამდენიმე საკითხზე. პირველი ეს გახლავთ საპილოტე რეგიონების ინტეგრირებული განვითარების სამთავრობო კომისიის გადაწყვეტილებით გამოცხადებული „2020-2022 წლებში საპილოტე რეგიონების ინ-

ნული განახლება—ინტეგრირებული აქტივობები ურბანულ ტერიტორიებზე“, პრიორიტეტი-2 „უნიკალური პოტენციალის გამოყენებით ტურიზმის განვითარების ხელშეწყობა“ და პრიორიტეტი-3 „ინტეგრირებული ადგილობრივი განვითარება“-ის ფარგლებში დასაფინანსებელი პროექტების კონკურსი, სადაც მონაწილეობის უფლება აქვთ კახეთის, იმერეთის, გურიისა და რაჭა-ლეჩხუმის, ქვემო სვანეთის რეგიონების მუნიციპალიტეტებს. სულ საპილოტე პროგრამის დასაფინანსებლად ყველა პრიორიტეტის გათვალისწინებით იმერეთის რეგიონში ევროკავშირმა 70,0 მლნ. ლარი გაიღო.

კორონავირუსი ახალ შეტევაზე გადმოვიდა! ფრთხილად!



მოგინოდეთ!
უმკაცრესად დავიცვით დანესებული რეგულაციები!
ყველგან ვატაროთ პირბადე!
აუცილებლად ჩავიცვაროთ ვაქცინაცია!

ჩვენი სოფელი...

ამ რუბრიკით ჩვენ კვლავ ვაქვეყნებთ მასალებს მუნიციპალიტეტის სასოფლო-ტერიტორიულ ერთეულებში მიმდინარე ცხოვრებზე, ინფრასტრუქტურული თუ სოციალური პროგრამების განხორციელების შესახებ და სხვა.



„თერჯოლის“ დღევანდელ ნომერში (გვ. 3, 4, 5, 6) გთავაზობთ პუბლიკაციებს მუნიციპალიტეტის სხუთ ადმინისტრაციულ-ტერიტორიულ ერთეულში ამ მხრივ ბოლო წლებში შესრულებულ სამუშაოებზე (ღვანკითის, თუზის, სიქთარვის, გოგნის და ზედა სიმონეთის ადმინისტრაციულ-ტერიტორიული ერთეულები). ინფორმაციების ბეჭდვას ნომერის თვიდან გავაგრძელებთ...

ამბები თერჯოლის მუნიციპალიტეტიდან

რუბრიკით: „ამბები თერჯოლის მუნიციპალიტეტიდან“, ტრადიციულად ვთავაზობთ წერილებს, რომლებიც მომზადებულია საჯაროდ გამოქვეყნებული ინფორმაციების საფუძველზე.

„ეტალონი“ ძვერის საჯარო სკოლაში

თერჯოლის მუნიციპალიტეტში, სოფელ ძვერის უმანგი სოფრომადის სახელობის საჯარო სკოლაში „ინტელექტ ბანკის“ ფარგლებში ჩატარდა შემეცნებითი კონკურსი „ეტალონი“. ღონისძიებას მუნიციპალიტეტის მერი, ლაშა გოგიაშვილი მოადგილეებთან ერთად დაესწრო.

ლობა გადაუხადა, სამომავლოდ კი წარმატებები უსურვა მათ. „ჩვენთვის ერთ-ერთი პრიორიტეტული ხარისხიანი და ხელმისაწვდომი განათლების უზრუნველყოფაა. ინტელექტუალური პროექტები განსაკუთრებულად საჭირო და მნიშვნელოვანია, რომელიც ახალგაზრდებში ზრდის სწავლისადმი მოტივაციასა და აძლევს მათ საშუალებას წარმოაჩინონ საკუთარი შესაძლებლობები და განავითარონ უნარები. მეთამყება და მიხარია ახალგაზრდების სწავლისადმი მოტივაცია, ინტერესი და მიზანდასახულობა, რომელიც გამარჯვების საწინდარია. თერჯოლის მერია მუდმივად გამოთქვამს მზაობას და მხარს უჭერს საგანმანათ-



ინტელექტუალურ კონკურსში ძვერის საჯარო სკოლის 6 გუნდი იღებდა მონაწილეობას. გუნდებს შორის გამარჯვებული „ფენიქსის“ გუნდი გახდა, რომელსაც საჩუქრად სიმბოლური პრიზი გადაეცა.

ლებლო-ინტელექტუალური პროექტების მუნიციპალიტეტში განხორციელებას“-განაცხადა ლაშა გოგიაშვილმა. ღონისძიებას, ზესტაფონი-თერჯოლა-ტყიბული-ბაღდათის მაჟორიტარი დეპუტატის ბიუროს ხელმძღვანელი, დავით კამლაძე, საგანმანათლებლო რესურსცენტრის უფროსი ქეთევან შეყრილაძე და სხვა სტუმრები ესწრებოდნენ.

ახალგაზრდობამ, რომ უკეთეს გარემოში ისწავლოს...

თერჯოლის მუნიციპალიტეტში, საქართველოს მუნიციპალური განვითარების ფონდის დაფინანსებით, სოფელ რუფოთის და ქვედა სიმონეთის №2 საჯარო სკოლების სრული რეაბილიტაცია მიმდინარეობს.

ბის მიხედვით, სამშენებლო სამუშაოები უახლოეს მომავალში დასრულდება და მოსწავლეები ახალ სასწავლო წელს კომფორტულ გარემოში დაიწყებენ“-განაცხადა, ლაშა გოგიაშვილმა. სამშენებლო სამუშაოებს, ტენდერი გამარჯვებული კომპანია-„ენეჯ“ ახორციელებს.

თერჯოლის მუნიციპალიტეტის საკრებულოში

გაიმართა თერჯოლის მუნიციპალიტეტის საკრებულოს რიგგარეშე სხდომა, რომელსაც საკრებულოს თავმჯდომარის მოვალეობის შემსრულებელი ამირან ვერულაშვილი უძღვებოდა.

მადლობა წარმატებებისათვის...

ამ დღეებში მუნიციპალიტეტის საკრებულოში ა(ა)იპ თერჯოლის სპორტული სკოლის და სპორტულ-გამაჯანსაღებელი მუნიციპალური ცენტრის მოსწავლეებსა და მწვრთნელებს თვითმმართველობის წარმომადგენლებმა ტურნირებში მიღწეული გამარჯვებები მიულოცეს და წარმატებები უსურვეს.



სსოვნისადმი მიძღვნილ ტურნირზე ძიუდოში; ილია ბობოხიძის და ჯემალ კოსტავას სსოვნისადმი მიძღვნილ ტურნირზე ბერძნულ რომაულ ჭიდაობაში, დავით შუბითიძის სსოვნისადმი მიძღვნილ ტურნირზე ძიუდოში, საქართველოს პირველობის ტურნირზე ქართულ ჭიდაობასა და ქუთაისის ღია პირველობაზე აღმოსავლურ ორთაბრძოლებში.

გენერალი კობა კობალაძე თერჯოლაში

ვეტერანების საქმეთა სახელმწიფო სამსახურის დირექტორი გენერალ-მაიორი კობა კობალაძე ქუთაისის შესაბამისი სამსახურის ხელმძღვანელთან გელა ცინაძესთან და სხვა თანამშრომლებთან ერთად თერჯოლას სტუმრობდა. ის მუნიციპალიტეტის მერიის სხდომათა დარბაზში თერჯოლელ ომის ვეტერანებს შეხვდა და ესაუბრა.

კვლა ინფრასტრუქტურულ პროექტებზე...

გასულ თვეში იმერეთში სახელმწიფო რწმუნებულთან არსებული სამხარეო საკონსულტაციო საბჭოს სხდომაზე მხარის რწმუნებულმა ზვიად შალამბერიძემ მოადგილეებთან, მუნიციპალიტეტების მერებთან და საკრებულოს თავმჯდომარეებთან ერთად, სწორედ 2020-2022 წლების საპილოტე რეგიონების ინტეგრირებული განვითარების პროგრამის ფარგლებში განსახორციელებელ პროექტებზე იმსჯელა.

იმედი აქვს, რომ ეს წინადადება მალე რეალობად იქცევა და არც იმას გამორიცხავს, რომ სხვა ახალი პროექტების დაფინანსებასაც მოიპოვებენ... აქვე გვინდა გაცნობოთ, რომ უკვე დასრულდა ტენდერი რეგიონული განვითარების ფონდიდან გამოყოფილი თანხით (2,1 მლნ ლარი) დაფინანსებულ ოთხ პროექტზე:

6. ბამყრალიძე, ომის ვეტერანი ქართლოს ჭუმბურიძის სახელობის თასზე გასულ კვირას სტარტი აიღო ქართლოს ჭუმბურიძის სახელობის თასის ტრადიციულმა გათამაშებამ ფეხბურთში. გათამაშებაში 8 გუნდი მონაწილეობს. ფინალური შეხვედრა 8 აგვისტოს გაიმართება ქართლოსის მშობლიურ სოფელ სათემოში (ბარდუბის თემი). ეს ინფორმაცია იმერეთის ფეხბურთის ფედერაციის პრეზიდენტმა დავით რუსაძემ მოგვანოდა.

ჩვენი სოფელი... თუზის ადმინისტრაციულ- ტერიტორიული ერთეული

გვესაუბრება მუნიციპალიტეტის მერის წარმომადგენელი თუზის ტერიტორიულ ერთეულში მამუკა გომბარაშვილი.

— 2019-2021 წლებში რეგიონული განვითარების ფონდის და თერჯოლის მერიის თანადაფინანსებით დაიგო არმირებული ბეტონის გზა სოფ. ვარდიგორასა და ჯგვილათს შორის. რაზედაც ჯამში დაიხარჯა 1 100 000 ლარი. ეკონომიის თანხით ბეტონის გზა დაიგო სოფლის სასაფლაომდე და შეყრილაძეების უბანში.

— 2020-2021 წლებში გარდამავალი პროექტით განხორციელდა სამების ეკლესიისკენ მიმავალი გზის მშენებლობა, რითაც ცხოვრებადების, ბუხრაშვილების, ჩაფიძეების, ქაშაკაშვილების, წინილაშვილების

თანხით—164000 ლარით დაიგო არმირებული ბეტონის 930 მეტრი სიგრძის გზა სოფ. თუზში ჩაფიძეების და გოცაძეების უბანში. მოცემული უბნის 1.5 კილომეტრი გზის მონაკვეთის პროექტი მერიამ უკვე შეიძინა და ველოდებით დაფინანსებას.

— ასევე სტიქიის შედეგების სალიკვიდაციო თანხით მოეწყო საყრდენი კედელი სოფ. თავასაში გოცაძეების უბანში და სოფ. თუზში წინილაშვილების უბანში.

— ბოლო ორ წელში განხორციელდა თუზის სკოლის მეორე და მესამე კორპუსის რეაბილიტაცია, რაზედაც დაიხარჯა 94 000 ლარი. მოხდა სველი წერტი-



პროგრამა განახლდა 2019 წლიდან. თუზს ყოველწლიურად გამოეყოფა 20 000 ლარი, თავასას 12 000 ლარი, ვარდიგორას 16 000 ლარი, კაკაბოურს 10 000 ლარი, ჯგვილათს 10 000 ლარი.

2019 წელს სოფლის პროგრამით თავასაში შემოიღობა სოფლის სასაფლაო. თუზმა და კაკაბოურმა თანხა გააერთიანეს და ააშენეს მინი სტადიონი, თუმცა ხელოვნური საფარის დაგება დღემდე ვერ მოხერხდა. ვარდიგორამ და ჯგვილათმა შემოიღობა სოფლის სასაფლაო პანელური ღობით.

2020 წლის სოფლის პროგრამით სოფ. თავასაში დაიგო ბეტონის გზა. სოფ. თუზში მოეწყო გარე განათება, ასევე პანელური ღობით შემოიღობა თუზის სკოლა. ვარდიგორაში შემოიღობა სკოლის ეზო და შეძენილი იქნა უბნისთვის 950 მეტრი სიგრძის 75 მმ-იანი პოლიეთილენის მილი და ელექტრო ტუმბო.

2021 წელს სოფლის პროგრამით თუზში მოეწყო ბეტონის გზები ჭალის და ქაშაკაშვილების უბნებში. ვარდიგორაში მოეწყო სკვერი, თავასაში შემოიზიდება ხრეში, კაკაბოურში დაიგება ბეტონის გზა.

— მერიის დაფინანსებით 2017-2021 წლებში 1500 მმ-იანი ბოგირები მოეწყო სოფ. თავასაში კირკიტაძეების უბანში. თუზში ჩაფიძეების უბანში ორ ადგილას მოეწყო 1000 მილიმეტრიანი, კაკაბოურში 1000 მმ-იანი, თავასაში ცინაძეების

და მარუაშვილების უბანში 500 მმ-იანი, კაკაბოურში 500 მმ-იანი, ხოლო ჭალის უბანში ორ ადგილას 500 მმ-იანი ბოგირები.

— მერიის დაფინანსებით მოეწყო გარე განათება სოფ. ვარდიგორაში ცენტრალური გზიდან სკოლამდე. გარე განათება თავასაში რიჟამაძეების უბანში. მიმდინარე წელს გარე განათება მოეწყო თავასაში მარუაშვილების უბანში.

— ყოველწლიურად ხდება საუბნო გზების მოხრეშვა. 2017-2021 წლებში შემოტანილი და გაშლილი იქნა 300 რეისზე მეტი მთის ქანი.

— მერიამ შეგვიძინა და გადმოგვცა 15 ტონა ცემენტი და საბეტონე ხრეში, რითაც მოეწყო ბეტონის გზები ჭალის და წინილაშვილების უბანში, სათავე ნაგებობები: თავასაში, ვარდიგორაში, თუზსა და კაკაბოურში.

— ყოველწლიურად ვახდენთ სანიაღვრე არხების განმწმუნებას და საუბნო გზების დაპროფილდებას.

— მერიის მიერ შეძენილი იქნა სასმელი წყლის რეზერვუარები. სოფ. თავასაში 15 ტონიანი. სოფ. ვარდიგორაში შეყრილაძეების გოგბერაშვილების უბანში 25 ტონიანი, თუზში ჭალის უბანში 10 ტონიანი, ჩაფიძეების უბანში 8 ტონიანი.

— ადმინისტრაციულ ერთეულში ჯერ კიდევ მრავალი პრობლემაა გადასაჭრელი. ეს ეხება საუბნო და სოფლების დამაკავშირებელ გზებს. საჭიროა

თავასა-თუზის დამაკავშირებელი გზის მშენებლობა, რომლის პროექტი მერიამ უკვე შეიძინა და ველოდებით დაფინანსებას. კაკაბოურში საჭიროა ბეტონის გზის მშენებლობა 1.5 კმ-ზე და ა.შ.

წყალმომარაგების პრობლემები აქვთ უმეტეს უბნებს. საჭიროა ერთიანი წყალმომარაგების სისტემის მშენებლობა. არის მინის დამუშავების პრობლემა, გაძვირდა ტექნიკის მომსახურება. გვაღვივებს გამო მოსაგლიანობამ იკლო. არ არსებობს სარწყავი მიწათმოქმედება, თუმცა მომავალში შესაძლებელია გარკვეულ უბნებში სარწყავი სისტემის მოწყობა.

წელს დაიწყება ცენტრალური გზის მშენებლობა. საჭიროა სკოლის სრული რეაბილიტაცია და ა.შ.

სოფელში, 2017-2021 წლებში, სოციალური პროგრამებით, მოსახლეობას გაენია შემდეგი მოცულობის დახმარებები:

მედიკამენტებზე—5 997 ლარი, სურსათზე—9 550 ლარი, სახლდაზიანებაზე 22 150 ლარი, უსინათლოებზე—8 150 ლარი, ფინანსური—69 750 ლარი, ეპილეფსია—13 750 ლარი, დიალიზი—12 750 ლარი, ახალშობილებზე—12 800 ლარი, თანადაფინანსება—59 189 ლარი.

მერიის დიდი თანადგომის გამო იმედი გვაქვს, რომ სამომავლო პროგრამებსაც აუცილებლად წარმატებით შევასრულებთ...



უბანი დაუკავშირდა თუზის ცენტრს. მოცემული გზის პროექტი სოფელს აჩუქა სოფლის მკვიდრმა ვალერი ცხოვრებაძემ. პროექტის განხორციელებაში უმნიშვნელოვანესი წვლილი შეიტანა მუნიციპალიტეტის მერმა ბატონმა ლაშა გოგიაშვილმა. პროექტის ღირებულება 700 000 ლარია.

— 2020 წელს სტიქიის შედეგების სალიკვიდაციო

უბნების მოწყობა თუზის სკოლის პირველ და მესამე კორპუსში.

— 2020 წელს მერიის მიერ შეძენილი იქნა 8100 მეტრი სიგრძის სხვადასხვა დიამეტრის პოლიეთილენის მილი. აქედან 3000 მეტრი მერიის ტექნიკით ჩაეწყო ჩაფიძეების უბანში. დანარჩენმა უბნებმა თავიანთი ძალებით მოახდინეს წყალსადენების რეაბილიტაცია.

— სოფლის მხარდაჭერის

სიქთარვის ადმინისტრაციულ- ტერიტორიული ერთეული

757 რეგისტრირებული კომლი და 2274 სული ცხოვრობს სიქთარვა-ჩხარინერში. 300-ამდე ადამიანი გასულია სოფლიდან. ზოგი საზღვარგარეთ, ზოგი მუნიციპალიტეტის ფარგლებს გარეთ. თითოეული კომლი მინის კერძო მესაკუთრეა, იმდენ მოსავალს, რომ ეყოს ოჯახს, თითქმის ვერაინ ინვესტ, მაგრამ მინა მინაა, მარჩინალია, ასე ვუნოდებთ, მაგრამ ვერ გვარჩენს, წლებიანდელმა გვაღვივებმა უშემოსავლოდ დაგვტოვაო, ამბობს ხალხი. ასეთ დროს აუცილებლად უნდა ვთქვათ: მდ. ძევერული სიქთარვაში ჩამოედინება, მაგრამ სათანადოთ არ არის გამოყენებული ეს ძვირფასი რესურსი, მასხოვს, ტერიტორიის დიდი ნაწილი ირწყვებოდა, ახლა საჭიროა ფიქრი, ძიება, სურვილი, საქმის სიყვარული და უპირველესად—თანხები. მოსახლეობის 70%-ს მინი ტრაქტორი ჰყავს. სოფელში 6 კერძო ტრაქტორია, მასიური ფართობების დამუშავება ამ და ზესტაფონის მანქანა-ტრაქ-

ტორთა ბაზიდან დაქირავებული ტრაქტორებით ხდება, აგროვადებში ჩატევა ჭირს, მაგრამ მინის გარკვეული ნაწილი დაუშვავებელი რომ რჩება სხვა მიზეზით, ყველაფრის სიძვირე და შიში, შეიძლება დახარჯო, გაისარჯო, მაგრამ მოსავალი ვერ მიიღო. ჩამოვთვალეთ და დაახლოებით 30-35 კულტურის თუ მწვანილ-ბოსტნეულს მოყვანას ვცდილობთ, ნიადაგები ისეთია ერთნაირად კულტურებს მინა ბეტონით ეკვრის. სოფელში არის 944 ჰექტარი სასოფლო-სამეურნეო მიწა, სახნავი 361 ჰა, მრავალწლიან კულტურებს უკავია 267 ჰა, საძოვრებს 316 ჰა.

მინც ძლიერია სოფელი, ხალხი იმედინადაა, პანდემიის პირობებში ცხოვრება გაძნელდა, მაგრამ მსოფლიო მოვლენებს სიქთარვა სად წაუფა. უნდა შევეჩვიოთ კორონასთან ცხოვრებას, დავიცვათ რეგულაციები და გავეფრთხილოთ ერთმანეთს, ყველა ასე ვამბობთ, მაგრამ რომ არ ვასრულებთ—ეს ცუდია. სოფელში საკმარისი

ოდენობის სანაგვე ყუთი დგას, ნაგვის გატანა დროულად ხდება, მაგრამ მინც—ყოველი ფეხის ნაბიჯზე ნახავთ სიგარეტის კოლოფებს, პივის, პეფს-კოკოლას ბოთლებს, ცელოფანებს, სამწუხაროდ ნიღბებსაც. სოფლის ტერიტორიულ ერთეულში გვითხრეს, რომ ხშირად აწყობენ დასუფთავების აქციებს, რაც კარგია, მაგრამ, ჩვენ რა გავგიჭირდა ნაგვის ყუთამდე მისვლა, ვის ვავალდებულებთ დაყრილი ნაგვის გატანას—ტერიტორიული ერთეულის წარმომადგენლობას? გავიხსენოთ ნოდარ დუმბაძე—სოფლის საბჭოს შენობაზე დიდი შენობა სოფელში არ უნდა იდგესო. ამით ამ სამსახურსადმი პატივისცემას მიგვანიშნებდა.

მერის წარმომადგენელი სოფელში გიზო ხანიაშვილი, სპეციალისტები დავით გამეზარდაშვილი, სულიკო მემანიშვილი ერთობლივად, ერთმანეთის გვერდში დგომით და საერთო ძალისხმევით ცდილობენ არსებული პრობლემების მოგვა-



რებას, ხალხთან ახლოს არიან, მათ ინტერესებს ითვალისწინებენ და კარგად იყენებენ მერის და მერიის დამოკიდებულებას სოფლისადმი.

სოფლის მაჟორიტარი დეპუტატის კოსტანტინე ამაშუკელის გარეშე კი სოფელში არაფერი წყდება, იგი იცნობს თითოეულ ოჯახს, ნებისმიერის პირობებს, იცის რა ჭირდებათ, რა აწუხებთ და იგი ორივეს—მერია-ც და საკრებულოსაც ხშირად „აწუხებს“. ისინიც, როცა ხედავენ სურვილს და მისწრაფებას, გვერდში უდგანან სოფელს.

წყალი—სიცოცხლის ელექსირი

ყველა ყაირათიანია თავის ოჯახში, როცა საქმე საერთოა გულგრილი. როგორც იქნა წყალი გვაქვს, ჩხარინერში წყლის რეზერვუარის აღდგენამ წყალმომარაგების და შიგა ქსელების მოწყობამ, გააჩინა საშუალება ყველა ოჯახი სასმელი წყლით მარაგდებოდეს. აუზი 800 ტონას იტევს, 1200 ტ. წყალს მოიხმარს სოფელი დღემდე გრაფიკის პირობებში, წეს-ანგარიშით დღეში 1 სულზე 300 ლიტრი წყლის ხარჯვაა გათვალისწინებული,

სიქთარვის ადმინისტრაციულ-ტერიტორიული ერთეული

4

მაგრამ მისი არამიზნობრივი ხარჯვა, სავარგულეზე დღე და ღამე მიშვება ზრდის ხარჯს. მაგალითად, ერთი ოჯახი რომ ტონობით მოიხმარს, მეორეს გადასახანდაც აღარ ყოფნის. იმ დღეს, როცა ადმინისტრაციულ ერთეულში ვიყავი, მითხრეს, რომ 500 ტონა წყალია ბასეინში, გამოშვებული იყო, მაგრამ უზნების დიდ ნაწილს არ მიწოდებოდა, სადღაც ნაკვეთებში იკარგებოდა.

სხვაზე ნაკლები მაქვს ყველაფერი, სხვაზე მეტად გამიჭირდება, მაგრამ ვართ ღირსი მალე გადასახადებს ვიხდიდეთ, იმდენად მაღალს, რომ წყლის ასე უდიდრად ხარჯვის სურვილი გაქრეს. მეც მაქვს ახალშენი ნივთები, ძვირი ღირებულების, ძლივს გაშენებული, მაგრამ მიხმება, ღარიანი შლანგი მეც კი მაქვს.

სანამ არ მოწესრიგდება წყლის მიწოდების გრაფიკი, სანამ თითოეული ოჯახი წყალს არ მიიღებს, უმადურობა ყოველთვის იქნება. მე რომ მეკითხებოდეს, სანქციებსაც დაუანებს, რამე შიგა განკარგულებით, „მიარჩევ“ კარგი ჯარიმა და ასწავლე ჭკუა.

სოფლის ტერიტორიაზე ყველის ქარხანა, სასტუმრო, რესტორანი, ბენზინით გასამართი სადგური, სავაჭრო ქსელი, რამდენიმე მაღაზია, წყალსადენი. თვეში ერთხელ ბანკის მანქანა შემოდის, სოფელში არის ბიბლიოთეკა, კლუბთან არსებული სიმღერის და ცეკვის სტუდია. გვითხრეს, რომ შეცვლილია ელექტროგადამცემი ხაზების დიდი ნაწილი, ხანდახან არის წყვეტილობაც, მაგრამ ნუ შევშოთ დებით. ადრე ამბობდნენ—თეთრი სახლი და კრემლიც კი ირთვებაო. მაგრამ მაინც ძნელია, ჩამოდნა მაცივარი და გაადნო ხამსაც.

პანდემიის პირველ ეტაპზე მოსახლეობის ნაწილს მერიის დახმარებით დახმარებას ვაძლევდით, ახლა ერთ ბინას უშენებენ ერთ ოჯახს, რომელიც ქირით ცხოვრობს და ქირასაც მერია იხდისო, გვითხრეს. მთავრდება გარე განათების მოწყობა, იგეგმება ჩიხებში შესვლა, მოწყობილია რამდენიმე სტადიონი წითელ გორაზე, ფანჩულიძეებთან, ჩიხაძეებთან, რამაც ხელი შეუწყო იმას, რომ სიქთარვა—გარდამავალი თა-

სის მფლობელია ფეხბურთში.

სოფლის ოთხი წელი

ბევრი რამ გაკეთდა სოფლის მხარდაჭერის პროგრამის ფარგლებში, შეკეთდა ხიდები, ბოგირები, მოიხრეშა შიგა-საუბნო გზები, მოწესრიგდა სანიღვრე არხები, გაკეთდა მოსაცდელეზი, გარე განათებები და სხვა. მნიშვნელოვანი იყო მდინარე ჩოლაბურზე ნაპირსამაგრი სამუშაოების ჩატარება, რითაც დაცულ იქნა წყალსადენის ტერიტორია, ოპტიკურბოჭკოვანი კაბელით მოყვანილ იქნა ინტერნეტი ყველა მსურველ ოჯახში და ნებისმიერ დროს შეუძლია წვდომა, გარემონტდა ნისქვილის სათავე-ნაგებობა და გაკეთდა ჭა, დაიგო ბეტონის გზა ნისქვილისაკენ მიმავალ გზაზე და ახლა ყოველ ამინდში შეიძლება ნისქვილამდე მისვლა.

წლების განმავლობაში იდგა საკითხი სიქთარვა-თერჯოლის ოთხკილომეტრიანი გზის ასფლტირების შესახებ, გაკეთდებოდა თერჯოლის მონაკვეთი ე.წ. ძონენიძეებმდე და წყდებოდა მუშაობა, ახლა სიქთარვა თერჯოლას უმოკლესი ბეტონის გზით უკავშირდება. სო-



ფელმა მიიღო სასმელი წყალი, გარემონტდა სიქთარვის ამბულატორია, აშენდა ევროპული სტანდარტების სკოლა 120 ბავშვზე, ასრულდა ჩხარენერელეზის ოცნება—დაიგო ასფალტი. სულ ოთხ წელიწადში სოფელში სოფლის მხარდაჭერის პროგრამით და ინფრასტრუქტურულ პროექტებში განხორციელდა მილიონობით ლარის სამუშაო.

სოციალური პროგრამებით სიქთარველებმა მიიღეს: მედიკამენტებზე—8 745 ლარი, სურსათზე—7 180 ლარი, სახლდაზიანებაზე 11 750 ლარი, უსინათლოებზე—4 755 ლარი, ფინანსური—47 150 ლარი, ეპილეფსია—5 100 ლარი, დიალიზი—11 150 ლარი, ახალშობილებზე—7 585 ლარი, თანდაფინანსება—41 766 ლარი, ბინის ქირა—2 100 ლარი.

სამომავლოდ...

მერის წარმომადგენელი სოფელში გიზო ხანიაშვილი იმედინადაა, იგი ხშირად აყენებს წინადადებებს მუნიციპალიტეტის მერთან, ბატონ ლაშა გოგიალელთან და მიზანსაც აღწევს, „მე ხშირად ვანუხებ კომუნალურ სამსახურსაც, ამ სამსახურის დახარებით სოფელში ბევრი სამუშაო შესრულდა“—თქვა გიზომ და არ ელევა ჩამონათვალში. ორი მასშტაბური პროექტის განხორციელებაზე, ლაშა გოგიაშვილი დახმარებას ჰპირდება—სიქთარვის ცენტრალურ გზაზე ასფალტის დაგებას და ჩიხაძეების უბნიდან ცენტრალურ გზამდე ბეტონის გზის მოწყობას. გიზო დარწმუნებულია, რომ ორივე მიზანი მიღწეული იქნება.

შუშუნა ცხადაძე

გობნის ადმინისტრაციულ-ტერიტორიული ერთეული

ინფრასტრუქტურული პროექტების გზასაკვლევით ინფრასტრუქტურული პროექტები და ადამიანები უპირველეს ყოვლისა! სოფელი—რთული ფენომენი!..

„ვაპ, სოფელი, რაშიგან ხარ? რას გვარგუნებ, რა ზნე გჭირსა, სადაურსა სად წაიყვან სად აღუფერი ხოლმე ძირსა“—ო ჯერ კიდევ როდის დაიმწხრა ჩვენმა დიდმა წინაპარმა. აქ მარტო მიგრაციის რეციდივი კი არ იყო ნაგულისხმევი—სინანული იკითხებოდა თვით სოფელი—რით იყო, რით სუნთქავდა, რით გაჰქონდა თავი. სოფლის ძნელბედობა მოსდგამდა მუდამ. უჭირდა, ტკიოდა...

სარჩო-საბადებლის მოპოვება-მოძიება იყო მისი მუდმივი საფიქრალ-საზრუნავი. ეს ზოგადად...

სოფელი გოგნი. სიმალღით და სილამაზით გამორჩეული, აქ გულლია, მშრომელი ადამიანები სახლობენ. ეამაყებათ, რომ წმ. გიორგის სახელობის კარუგდებლის სასწაულთმოქმედი სალოცავი მათია, მათ მიწაზეა.

სჯერათ ლამაზი ლეგენდისა, რომ წმინდა გიორგის სხეულის ნაწილი სწორედ აქ არის დამარხული. პატივს მიაგებენ ამ სწინინდეს.

ყოველი წლის გიორგობას სრულიად საქართველოს მომლოცველებს მასპინძლობენ აქაურები.

კარუგდებელი მარტო ეკლესია როდია. ეს სახელწოდება იმასაც მიაწინებს, რომ ამ სოფლის ყოველი მცხოვრების ოდა-სახლის კარიც უგდებელია ანუ ღია სტუმრისათვის.

ცხოვრობს სოფელი, ხნავენ, თესვენ, მოჰყავთ სარჩო-საბადებელი. იქნებ თავზე არ გადაუდით, მაგრამ, რასაც ზენაარი სწყალობთ, იმას სჯერდებიან. როგორც გამოუდით, ისე ეზიდებიან წილხვედრ საზიდარს.

რა თქმა უნდა სოფელს აქვს პრობლემებიც, გადაჭრას რომ საჭიროებენ, წვრილმან-მსხვილმანი საკითხებიც ანუხებთ, მაგრამ, სოფელი აბა რისაა? სოფელში რომ ცხოვრობ, ნიშნავს სულ ხელდაკაპინებული უნდა იყო! ისე კარგ ღვინოს ვერ დააყენებ, არსობის პურს ვერ მოიყვან. გოგნელებს ეს არ ესწავლებათ...

თანადგომა და მუდმივი ჩართულობა ცენტრალური და მუნიციპალური ხელისუფლებისა განაპირობებს სოფლის სოციალურ-ეკონომიკური განვითარების პროცესს, ინფრასტრუქტურულ და სოციალური პროექტების განხორციელებას.


ადგილობრივი თვითმმართველობის არჩევნებამდე ორი თვეა დარჩა.

განვიღო პერიოდში რით გამოიჩინეს თავი გოგნელებმა?

რა უნდა გაეკეთებინათ და რა გააკეთეს? რა დარჩათ გასაკეთებელი? რით შეუძლიათ იამაყონ?

რა გამოწვევებია სოფლის წინაშე? ამ საკითხებთან დაკავშირებით სასაუბროდ რამდენჯერმე შევეხმიანეთ მუნიციპალიტეტის მერის წარმომადგენელს დავით რობაქიძეს და სოფლის მაჟორიტარ დეპუტატს დავით ისაკაძეს.

სამწუხაროდ, ეს შეხვედრა პანდემიის გამო ვერ შედგა. ხელთა გვაქვს მხოლოდ ელექტრონული ფოსტით გადმოგზავნილი შეტყობინება, რომელიც ნაწილობრივ, მაგრამ მაინც გვამცნობს და გვაგარძობინებს სოფლის სუნთქვას, რომელსაც გოგნი ჰქვია, სოფელი რომელიც ზემოდან დაგვცქერის და ხელს გვინვდის თავისკენ გვიხმობს: „სოფლის ადმინისტრაციას და სოფლის დეპუტატს გულთან მიაქვთ ხალხის სატყვივარი და ცდილობენ მაქსიმალურად დაეხმარონ სოფელს. გასული წლიდან დღემდე ბევრი რამ შეემატა გოგნს. განხორციელდა ახალი ინფრასტრუქტურული პროექტები. გაგრძელდა სოფლის განათების პროგრამა, რომლის ღირებულებაც შეადგენს 10 000 ლარს. სოფელში მცხოვრებ გონა ჭანტურიძეს ხანძრის შედეგად დაენვა საცხოვრებელი სახლი, მოხდა მისი დაფინანსება 5000 ლარით. სოციალურად დაუცველ რამინი რობაქიძეს მერიის მხარდაჭერით აუშენდა საცხოვრებელი სახლი, რომლის ღირებულებაც არის 30 000 ლარი. დასრულდა სოფლის გაზიფიკაცია და დასასრულს მიუახლოვდა გამრიცხველიანება, რომელიც სავარაუდოდ 1 თვეში დასრულდება. სოფლის პროგრამით გაკეთდა ფხალაძეების უბანში სანიღვრე არხი. შექმნილია პოლიეთილენის მილები წყალგაყვანილობისათვის, საბავშვო ბაღის და საჯარო სკოლის მაგის-



ტრალზე. ამჟამად სოფლის პროგრამით უნდა დაიწყოს ბეტონის გზის დაგება ხორხის უბანში, რომლის ღირებულებაც შეადგენს 16 000 ლარს.

სულ მალე დაიწყება სოფლის ცენტრიდან ტყიბულის მიმართულებით 4 კმ-იანი გზის მონაკვეთზე ბეტონის დაგება, რომლის ღირებულება შეადგენს 515 000 ლარს. განვიღო პერიოდში (2020-2021 წ.წ.) სოფლის შეჭრეულმა მოსახლეობამ მუნიციპალური პროგრამებით მიიღო შემდეგი მოცულობის დახმარება:

მედიკამენტები—1 870 ლარი, სურსათი—4 150 ლარი, სახლდაზიანება—7 100 ლარი, ახალშობილთა დახმარება—1 100 ლარი, ფინანსური —16 700 ლარი, ეპილეფსიით დაავადებულს 300 ლარი, უსინათლოთა 420 ლარი, დიალიზი—2 100 ლარი.“



ვიცი, რომ ეს არასრული ჩამონათვალია. ვიმედოვნებთ ახლო მომავალში ადგილზე ვნახავთ, როგორ ცხოვრობენ გოგნელები. რა უჭირთ და რა უღბნით. მონათხრობს თვალთ ნანახი სჯობს...

ნუგზარ გამყრალიძე

ჩვენი სოფელი...

ზედა სიმონეთის ადმინისტრაციულ-ტერიტორიული ერთეული

დიდი დავითის სოფელი სახეს იცვლის

სოფელი ღონიერია თუ კაცი გონიერიაო, უთქვამთ ჩვენს ძველებს. ღონიერობის რა მოგახსენოთ, ახალი ცხოვრების შენების კვალობაზე. ათასგვარი პრობლემებით გაჯერებულ დროში, უჭირს სოფელს და ნელ-ნელა იდგამს ფეხს. ცხადია განვითარება-აღორძინება მით მალე მოხდება, რაც უფრო მეტი გონიერი კაცი ეყოლება სოფელს, რიგითი მეურნე იქნება იგი თუ ხელმძღვანელი.

ვფიქრობთ, ზვიად ბაზაძის სახით, რომელიც მუნიციპალიტეტის მერიის წარმომადგენელია ზედა სიმონეთში, ნამდვილად უნარიანი, გამოცდილი და მონდომებული ხელმძღვანელი ჰყავს ამ სოფელს. თუ ამას ბატონ გია ქასრაშვილსაც დაუმატებთ, ზედა სიმონეთელთა რჩეულს საკრებულოში (იგი საჯარო სკოლის დირექტორია იმავე სოფელში) ვნახავთ, რომ ბევრგან ვერ დაიკვეხნიან სოფლის ხელმძღვანელთა ასეთი ძლიერი ტანდემით.

ორიოდ კვირის წინ შევეხმიანე ზვიადს, სოფლის ავ-კარგსა და ბოლო წლებში გაკეთებულზე სასაუბროდ. ახლა ისეთ დღეში ვარ სულის მოსათქმელად არ მცალია, სეფარეთში ვიმყოფები წყლის პრობლემასთან დაკავშირებით, როგორც დროს გამოვინახავ დავიკავშირდებითო. ცოტა კი გამიკვირდა სად სიმონეთი და სად სეფარეთი (ტყიბულის მოსაზღვრე სოფელი) იქ რა უნდა მეთქი, მაგრამ ისეთი მუდარა ჰქონდა გარეული ხმაში, რაღას ჩავეკითხებოდი, რამოდენიმე დღის გასვლის შემდეგ კომუნიკაცია შედგა და...

ზვიად ბაზაძე: ბოლო ოთხ წელიწადში ჩვენს სოფელში საკმაოდ მასშტაბური სამუშაოები ჩატარდა ინფრასტრუქტურის მონესრიგების და საერთოდ, მოსახლეობისათვის ყოველდღიური საყოფაცხოვრებო პრობლემების მოგვარების მიზნით. ჩვენთვის მეტად მნიშვნელოვანია წყალსადენის მაგისტრალის მშენებლობა,

რომელიც ორ ეტაპად წარმართა და ამჟამად დასრულების ფაზაშია. პროექტის დასრულების შემდეგ სიმონეთის 745 კომლი დაკმაყოფილდება სასმელი წყლით და ეს „საუკუნოვანი“ პრობლემა მოგვარებული იქნება. მშენებლებთან ერთად საქმეში ვართ ჩართული ყველა, — მუნიციპალიტეტის წარმომადგენლობა მთლიანად, ჩვენი დეპუტატი მუნიციპალიტეტის საკრებულოში გია ქასრაშვილი და ცხადია სოფლის აქტივისტი ადამიანები...

წარმოდგენილი გექნებათ მოლოდინი, როცა მაგისტრალი ექსპლოატაციაში გავა, მოსახლეები ონკანს მოუშვებენ და ოჯახებში ანკარა წყლით გამოწვეული სიხარული დაიხადგურებს.

ახლა იმაზე თუ რა ინფრასტრუქტურული პროექტები განხორციელდა ჩვენთან:

— საექიმო ამბულატორიის კაპიტალური რემონტი (3081 ლარი).

— სსიპ დავით კლდიაშვილის სახელობის თერჯოლის მუნიციპალიტეტის სოფელ ზედა სიმონეთის საჯარო სკოლის ეზოს შემოღობვა (13 815 ლარი).

— ზედა სიმონეთის საბავშვო ბაღის ეზოს შემოღობვა (6 500 ლარი).

— დავით და სერგო კლდიაშვილების სახლ-მუზეუმის ღობის შეკეთება (2 500 ლარი).

— ზედა სიმონეთის სასოფლო კლუბში სცენაზე ახალი იატაკის მოწყობა და ეზოს შემოღობვა და მწვანე ნარგავების განთავსება (4 000 ლარი).

— ზედა სიმონეთში მუნიციპალიტეტის მერის მხარდაჭერით ერთი სოციალურად დაუცველი ოჯახსათვის კაპიტალური სახლის მშენებლობა (31 474 ლარი).

სოფლის მხარდაჭერის პროგრამის ფარგლებში განხორციელდა შემდეგი პროექტები:

— შემოიღობა სოფელ ზედა სიმონეთში არსებული ოთხივე სასაფლაოს ტერიტორია (20 000 ლარი).

— სოფლის სხვადასხვა უბანში მოენყო გარე განათების ქსელი (20 000 ლარი).

— გვენეტაძეების უბანში მოსახლეობის ჩართულობითა და თერჯოლის მუნიციპალიტეტის მერიის მხარდაჭერით მოენყო ბეტონის საფარიანი გზა (80 მეტრი სიგრძის).

გარდა აღნიშნულისა ყოველწლიურად, სოფლის სხვადასხვა უბანში, ხორციელდება შიდა საუბნო გზების ქვიშალორლით შეკეთება. ასევე სამ ადგილზე მოენყო ბოგირი და სანიაღვრე არხები.


ამჟამად სოფელ ზედა სიმონეთში მიმდინარეობს 2008 წლის აგვისტოს ომში დაღუპული ალია ბარდაველიძის სახელობის სკვერისა და მემორიალის მოწყობის სამუშაოები, რომლის ღირებულება შეადგენს 144 359 ლარს.

ამ ეტაპზე მეტად მნიშვნელოვანია, რომ თერჯოლის მუნიციპალიტეტის მერიის მიერ შესყიდულ იქნა ორი პროექტი სოფელ ზედა სიმონეთში საგზაო ინფრასტრუქტურის მონესრიგებისათვის. ეს პროექტებია:

1. ზედა სიმონეთის სოფლის ცენტრიდან აბჟანდაძეების-აბულაძეების უბანამდე მისასვლელი გზის (2,5 კმ) რეაბილიტაცია (არმირებული ბეტონის საფარი, სისქით 16 სმ, სიგანით 4,5 მ).

2. ნავენახევის მღვიმე-ქვედა სიმონეთის სათემოს უბანი-დავით კლდიაშვილის სახლ-მუზეუმი-ძვერის მღვიმეების დამკავშირებელი გზის (6 კმ) რეაბილიტაცია (ა/ბეტონის საფარი, სისქით 10 სმ, სიგანით 5 მ).

იმედი გვაქვს, უახლოეს მომავალში, აღნიშნული პროექტები სრულად განხორციელდება, რითაც მოიხსნება სოფელში არსებული პრობლემები საგზაო ინფრასტრუქტურასთან დაკავშირებით.



დღევანდელ, საერთოდ შეჭირვებულ დროში, ჩვენს სოფელშიც ბევრია ადამიანი, რომელთაც აუცილებელი დახმარება სჭირდება, ცხოვრების სხვადასხვა კუთხით. მაღლიერნი ვართ, როგორც ზემდგომი, ისე ადგილობრივი ხელისუფლებისა, რომ გვაძლევენ საშუალებას დადებითად გადაუწყვიტოთ სხვადასხვა სოციალურ-ყოფითი საკითხები. ბოლო 4 წელიწადში, ამ მიზნით, სოფლის 736 მცხოვრებზე გახარჯულია თანხა 157 430 ლარის ოდენობით. მათ

მუზეუმამდე შესანიშნავი ასფალტის გზით შეუძლია მივიდეს აქაური მცხოვრები თუ ექსკურსანტი. ძვერი-ბარდუბანი-ავტობანის ასევე კეთილმოწყობილი გზით, რომელიც მთელ სიგრძეზე კვეთს სოფელს და არაერთი საუბნო გზის მოხრეშა-მოშანდაკებით, მიმოსვლა ბევრად გაუმჯობესდა. მცხოვრებთა დიდი სურვილია ბედიაურის წყაროდან მუზეუმამდე ასფალტის გზის დაგება, რაც ვიმედოვნებთ აუცილებლად დადებითად გადაწყდება. ჯერჯერობით კი საკმაოდ კარგი ხრეში-



ახალი წყალსადენის სათავე ნაგებობაზე...

შორის: მედიკამენტებზე—6 808 ლარი, სურსათზე—4 190 ლარი, სახლდაზიანებაზე 29 150 ლარი, უსინათლოებზე—2 840 ლარი, ფინანსური—55 300 ლარი, ეპილეფსია—2 850 ლარი, დიალიზი—10 800 ლარი, ახალშობილთა—3 200 ლარი, დიაბეტი-ფენიკეტონური—6 600 ლარი, თანდაფინანსება—31 690 ლარი, ბინის ქირა—4 000 ლარი.

ანი გზაა, რომლის შეკეთებას და კეთილმოწყობას უშუალოდ ახდენს ჩემი ქვემდებრე სამსახური პერიოდულად.

აქტიურად მიმდინარეობს სამუშაოები სასმელი წყლის შემოსაყვანდ...

ზედა სიმონეთში პრობლემური იყო გარემოს დასუფთავება, ნაგვის თუ სხვა საყოფაცხოვრებო ნარჩენების გატანა, რაც სადღეისოდ ძირითადად მოგვარებულია.

თუმცა ჯერ კიდევაა სოფელში ცალკეული ადგილები, სადაც დასადგმელია სანაგვეურნები. გარკვეულ დროში ეს საკითხიც აუცილებლად გადაწყდება“.

ზედა სიმონეთი დიდი მწერლის სახლ-მუზეუმით, ჩვენი მუნიციპალიტეტის ერთგვარი სავიზიტო ბარათია და მასზე ზრუნვა ყველა ჩვენგანის ვალაია. ამ მხრივ სოფლად მერის წარმომადგენლის ზვიად ბაზაძის და საკრებულოს დეპუტატის გია ქასრაშვილის აქტიუობა ნამდვილად მისაბაძი არის.

ი. იარაძე



ევროპის საფეხბურთო ჩემპიონატის საფინალო მატჩის ექო



კაი, კაი, გეხუმრე, არ გეწყინოს!

ევროპის ჩემპიონატი ფეხბურთში—ევრო 2020 დასრულდა. ამის შესახებ უკვე ვიუწყებოდით ჩვენი გაზეთის წინა ნომერში. მაგრამ... კიდევ დაგვრჩა სათქმელი! ფეხბურთზე სამასლაათოს რა დალევს! ფეხბურთი ხომ მაინც სულ სხვაა!.. ამჟამად გთავაზობთ იტალიელთა „მეორედ მოსვლის“ ამსახველ ფოტო-კადრებს, ჩვენი ჟურნალისტის, ნუზურ ბამყარაძის მოკლე მინანქრებით...



დაკა, ხელი!



ახლა იწყება თავდავინყება...



მასე კი არა— ასე... რა არის აქ გაუგებარი!..



ინგლისელთა ამ „ცოცხალ კედელში“ იტალიელმა ბენჯამინ მაინც მოახერხა „მკვდარი ბურთის“ გაძვრენა



ბედნიერი იტალიელთა კაპიტანი



იტალიელებო, სად ხართ, დაგვენახეთ, თქვე კაი ხალხო...



შენ დაუკა...



ბედნიერი მწვრთნელი რობერტო მანჩინი თასი ჩვენია!




ასე მოუხდება. მეორედ აღარ იზამს...



მარადიული ქალაქი თავის ლომებს ხვდება!..



აი, რა მოსდევს თავების ურა-ურობას, ახლა მსაჯმა უნდა იმტვიროს თავი—რომელ თავს დაუძროს ყვითელი ბარათი



მომავალ შეხვედრამდე, უემბლი!..

ნუგზარ ჩიკაშუა



ჩვენს საზოგადოებას 81 წლის ასაკში გამოაკლდა ეს გამორჩეული პიროვნება, უნარიანი ხელმძღვანელი, მოღვაწე, ადამიანი, რომელიც მთელი ხანგრძლივი ცხოვრების განმავლობაში ეძიებდა, ქმნიდა, ჰპოვებდა.

1940 წლის 4 ოქტომბერს დაიბადა სოფ. ჩხარში, განათლებული მშობლების ოჯახში. ჩხარშივე დაამთავრა საშუალო სკოლა. ხოლო, 1965 წელს საქართველოს სუბტროპიკული მეურნეობის ინსტიტუტში მიიღო ინჟინერ-ტექნოლოგის დიპლომი.

ცხოვრების საწყის ეტაპზე გამოცადა თავი, როგორც რეჟისორი მუშაში. შემდეგ განაგრძობდა სამსახურებს, როგორც უნარიანი ხელმძღვანელი და ორგანიზატორი: რაიკოოპერატივის სავაჭრო სისტემა; ადგილობრივი მრეწველობის ქსელი, შამპანური ღვინისა და სიქთარვის ღვინის ქარხნები...

2003 წელს შპს „გამა-უდის“ გენერალურ დირექტორად დაინიშნა, სადაც სიცოცხლის ბოლომდე დაჰყო.

ნიჭიერება, საქმის ცოდნა, პასუხისმგებლობის გრძობა იყო მისი, როგორც სამეურნეო ხელმძღვანელის მახასიათებელი ნიშანი, იყო წინიერი და ერუდირებული, კომპეტენტური. შეეძლო თამამად ჩართულიყო ნებისმიერი დონის პოლემიკაში და თავისი მოსაზრებები გამოეთქვა. —ეს იქნებოდა პოლიტიკური სპექტრი, ხელოვნება, ლიტერატურა, სპორტი თუ სხვა.

თერჯოლის რაიონის ცხოვრებით ცხოვრობდა მუდამ.

არ უკრთოდა რთულ გამოწვევებს. ჰქონდა საკუთარი პრინციპები და ერთგულებდა მათ, ეს პრინციპები რაიონის ინტერესებით საზრდოობდნენ...

ჭკვიანი მეოჯახე გახლდათ. ბედნიერი იყო. ბედნიერი—ვიდრე შვილები არ დაუბლდნენ...

ძლიერი იყო და უძლებდა... ამერიდან მისი შვილები ირაკლი და ნინო გააგრძელებენ ოჯახის ტრადიციებს.

გვჯერა, ნუგზარ ჩიკაშუას ოჯახში კვლავაც იხარებს სიკეთის ნერვი.

ნათელი ადგეს მის სულს მარადიულ სასუფეველში.

ასლოზლავი, მემოზრავი

გაზეთ „თერჯოლის“ რედაქცია იუნყება, რომ გარდაიცვალა

პასტანაძე კონსტანტინე

და სამძმარს უცხადებს განსვენებულის ოჯახს.

ტოკიო 2020

ოლიმპიადა ერთი წლის დაგვიანებით

ტოკიო-2020—ასე დარჩება ისტორიას ზაფხულის ოცდამეთორმეტე ოლიმპიური თამაშები, რომელსაც იაპონიის დედაქალაქი 2021 წელს მასპინძლობს. კორონავირუსის პანდემიის გამო ერთი წლით გადადებული ოლიმპიადა 23 ივლისს გაიხსნა და 8 აგვისტოს ჩათვლით გაგრძელდება. მასში მონაწილეობას 205 ქვეყნის 11 ათასზე მეტი სპორტსმენი დაელოდა.

საქართველო ტოკიოს ოლიმპიადაზე ოცდათხუთმეტი სპორტსმენით გაემგზავრა სპორტის თერთმეტ სახეობაში. ყველაზე მეტი მონაწილე ძიუდოში გვყავს - მამაკაცთა შორის შვიდივე წონით კატეგორიაში და ქალებში ორ წონაში. თავისუფალ და ბერძნულ-რომაულ ჭიდაობაში სულ შვიდი ქართველი სპორტსმენია ოლიმპიურ კონკურენციაში. სწორედ საჭიდაო სახეობებისგან ელიან ქართველი გულშემატკივრები არაერთ მედალს, თუმცა ოქროს მედლის ნომერ პირველ ფავორიტად საქართველოს დელეგაციაში სულ სხვა სპორტსმენი სახელდება - ძალოსანი **ლაშა ტალახაძე**, რომელიც იაპონიაში მოქმედი ოლიმპიური ჩემპიონის რანგში ჩავიდა და, გარდა ამისა, ზურგს მსოფლიოს ოთხგზის და ევროპის ხუთგზის ჩემპიონის ტიტულებიც უმაგრებს.

მართალია, ტოკიო-2020 ჩაშლას გადაურჩა, მაგრამ იმდენი შეზღუდვით ტარდება, შეგვიძლია აქედანვე დავარქვათ ყველაზე წყნარი და მოწყვლილი ოლიმპიადა. იაპონიის მთავრობის გადაწყვეტილებით, ჯერ კიდევ თვეების წინ აიკრძალა ოლიმპიური თამაშების პერიოდში ქვეყანაში უცხოელი მოქალაქეების შესვლა. სპორტულ ღონისძიებებს მხოლოდ ადგილობრივები უნდა დასწრებოდნენ, ისიც გვარიანად შეზღუდული რაოდენობით. შემდეგ კი რეგულაცია კიდევ უფრო გამკაცრდა და ტრიბუნების კარი იაპონელთათვისაც ჩაიკე-

ტა. ქვეყნის პრემიერ-მინისტრი იოშიჰიდე სუგას განცხადებით, კორონავირუსის გავრცელების რისკის თავიდან ასაცილებლად გადაწყდა შეჯიბრებები მაყურებლის გარეშე გაიმართოს. უჩვეულო სიჩუმის თავიდან ასაცილებლად კი ორგანიზატორები წინა ოლიმპიადების გულშემატკივართა ხმების აუდიოჩანაწერებს გამოიყენებენ ტრიბუნებიდან წამოსული ხმაურის ილუზიის შესაქმნელად.

„უკეთეს, ვიდრე წინა ოლიმპიურ თამაშებზე“

ეს საქართველოს ეროვნული ოლიმპიური კომიტეტის ტრადიციული დევიზია, რომელიც ამჯერადაც უცვლელი დარჩა. შეგახსენებთ ქართველი სპორტსმენების მონაწილეს რიო-2016-ზე - ორი ოქრო, ერთი ვერცხლი და ოთხი ბრინჯაო. ამრიგად, მიზნის მისაღწევად, ტოკიოში მინიმუმ ორჯერ უნდა აუღერდეს საქართველოს ჰიმნი, მედლების რაოდენობა კი შეიძლება მეტი უნდა იყოს.

შვიდზე მეტი მედალი საქართველოს დამოუკიდებელ დელეგაციას არც ერთ ოლიმპიურ თამაშებზე არ მოუპოვებია. ოქროების რაოდენობით კი საუკეთესო 2008 წლის ოლიმპიური თამაშები იყო - პეკინში ქართველი სპორტსმენები სამჯერ ავიდნენ კვარცხლბეკის უმაღლეს საფეხურზე.

ჩვენი ოლიმპიური მედლების ისტორია

საქართველოსთვის ოლიმპიური მედლების ისტორია პელხინკში, 1952 წლიდან იწყება, როდესაც საბჭოთა კავშირის ნაკრების სახელით თხუთმეტი ქართველი სპორტსმენი ჩაება კონკურენციაში და მათგან ცხრამ მედალი მოიპოვა. პირველი ჩემპიონები იყვნენ მოჭიდავე **დავით ციმაკურიძე**, ძალოსანი **რაფაელ ჩიმიშკიანი** და ტანმოვარჯიშე **მზია ჯუღელი**.

ორმოცი წლის განმავლობაში, ქართველები საბჭოთა კავშირის ნაკრების რიგებში

იბრძოდნენ ოლიმპიური მედლებისთვის. 1992 წელს, ბარსელონაში გამართულ ოლიმპიადაზე კი დამოუკიდებელ სახელმწიფოთა თანამეგობრობის გაერთიანებული გუნდი ჩავიდა. ოლიმპიური თამაშების ისტორიაში პირველად აღიმართა საქართველოს დროშა და აუღერდა ჰიმნი. ბარსელონაში სულ თორმეტი ქართველი სპორტსმენი ჩავიდა და მათგან რვა მედალი მოიპოვა (სამმა ოქრო, ხუთმა - ბრინჯაო). ოლიმპიური ჩემპიონები გახდნენ ძიუდოისტი **დავით ხახალიაშვილი**, ძალოსანი **კახი კახიაშვილი** და მოჭიდავე **ლერი საბელიძე**.

1996 წლიდან, საქართველო ზაფხულის ოლიმპიურ თამაშებზე დამოუკიდებელი ქვეყნის სახელით მონაწილეობს. პირველი დამოუკიდებელი ქართული ოქროს ისტორია კი 2004 წლიდან იწყება, ძიუდოისტი **ზურაბ ზვიადაურის** ტრიუმფით. ყველაზე დასამახსოვრებელ გამარჯვებებს შორისაც, ერთ-ერთი გამორჩეული სწორედ ზვიადაურის ათენური ჭიდაობაა. არანაკლებ შთაბეჭდილი იყო, იმავე ოლიმპიურ თამაშებზე ძალოსანი **გიორგი ასანიძის** გამარჯვება და 2008 წელს, რუსეთ საქართველოს ომის პარალელურად მიმდინარე პეკინის ოლიმპიადაზე, მოჭიდავეების **მანუჩარ კვიციანიასა** და **რევაზ მინდორაშვილის** და ძიუდოისტი **ირაკლი ცირეკიძის** მიერ მოპოვებული ოქროები.

რიო დე ჟანეიროს 2016 წლის ოლიმპიადაზე, ძალოსანთა მძიმე წონით კატეგორიაში **ლაშა ტალახაძე** ჩემპიონი გახდა, **ირაკლი თურმანიძე** კი ბრინჯაოს მედალს დაეუფლა. ეს იყო პირველი შემთხვევა ოლიმპიადების ისტორიაში, როდესაც კვარცხლბეკზე ერთდროულად ავიდა საქართველოს ნაკრების ორი წევრი.

დამოუკიდებელი საქართველოს ოლიმპიური ისტორიის შავ ლაქად კი რჩება ატლანტის 1996 წლის ოლიმპიადა, როდესაც, ძიუდოში მძიმე წონის უმთავრესმა ფავორიტმა **დავით**



ხახალიაშვილიმ არათუ ოქროს მედალი ვერ მოიპოვა, საერთოდ საპრიზო სამეულს მიღმა დარჩა. ოლონდ ამ წარუმატებლობის მიზეზი წაგება არ ყოფილა. ლეგენდარული ძიუდოისტი ოლიმპიური თამაშების ორგანიზატორებმა წინასაშუაგობრო ანონვაზე არგამოცხადების გამო ამოიღეს სატურნირო ბადიდან. მიზეზი—ქართული დელეგაციის წევრებმა ძიუდოს ასაწონ დარბაზს ვერ მიაგნეს!

მილიონი ჩემპიონს

ტოკიოს ოლიმპიურ თამაშებზე ოქროს მედლის მოპოვების შემთხვევაში, საქართველოს დელეგაციაში შემავალი სპორტსმენი, სახელმწიფოსგან სოლიდურ ჯილდოს - მილიონ ლარს მიიღებს. ამის შესახებ, ქართველ ოლიმპიელებს ქვეყნის პრემიერმინისტრმა ირაკლი ლარიბაშვილმა აცნობა, თამაშებზე გაცილების საზეიმო ცერემონიაზე.

ქართველები ტოკიოში

- ნინო სალუქვაძე (ტყევის სროლა)
- ვაჟა მარგველაშვილი (ძიუდო. 66 კგ)
- ლაშა შავდათუაშვილი (ძიუდო. 73 კგ)
- ტატო გრიგალაშვილი (ძიუდო. 81 კგ)
- ლაშა ბექაური (ძიუდო. 90 კგ)
- ვარლამ ლიპარტელიანი (ძიუდო. 100კგ)
- გურამ თუშიშვილი (ძიუდო. +100 კგ)
- ტატიანა ლევიცკა-შუკვანი (ძიუდო. 52 კგ)
- ეთერ ლიპარტელიანი (ძიუდო. 57 კგ)
- შოთა მიშველიძე (ძალოსნობა. 61 კგ)
- გოგა ჩხეიძე (ძალოსნობა. 67 კგ)
- ანტონ პლესნოი (ძალოსნობა. 96 კგ)
- ლაშა ტალახაძე (ძალოსნობა. +109 კგ)
- ავთანდილ კენჭაძე (თავისუფალი ჭიდაობა. 74 კგ)
- ელიზბარ ოდიკაძე (თავისუფალი ჭიდაობა. 97 კგ)
- გენო პეტრიაშვილი (თავისუფალი ჭიდაობა. 125 კგ)
- რამაზ ზოიძე (ბერძნულ-რომაული ჭიდაობა. 67 კგ)
- ლაშა გობაძე (ბერძნულ-რომაული ჭიდაობა. 87 კგ)
- გიორგი მელია (ბერძნულ-რომაული ჭიდაობა. 97 კგ)
- იაკობ ქაჯაია (ბერძნულ-რომაული ჭიდაობა. 130 კგ)
- სახილ ალანგერდოვი (კრივი. 52 კგ)
- ესკერხან მადიევი (კრივი. 69 კგ)
- გიორგი ხარაბაძე (კრივი. 75 კგ)
- ნიკოლოზ ბასილაშვილი (ჩოგბურთი)
- სანდრო ბაზაძე (ფარიკაობა. ნმალი)
- მარიამ იმნაძე (ცურვა. 100 მეტრი. თავისუფალი სტილი)
- ირაკლი რევიშვილი (ცურვა. 400 მეტრი. თავისუფალი სტილი)
- სალომე ფაჩავა (მხატვრული ტანვარჯიში)
- გიორგი მუჯარიძე (მძლეოსნობა. ბირთვის კვრა)
- ბენიკ აბრამიანი (მძლეოსნობა. ბირთვის კვრა)
- სოფიკო შათირიშვილი (მძლეოსნობა. ბირთვის კვრა)
- ლაშა დულელაური (მძლეოსნობა. სამხტომი)
- ბაჩანა ხორავა (მძლეოსნობა. სიგრძეზე ხტომა)
- გოგიტა არქანიანი (კარატე, კუმითე. +75 კგ)
- ლუხუმი ჩხეიძიანი (ძიუდო, 60 კგ)

ქართველების მონაგარი ტოკიოში


„თერჯოლის“ ეს ნომერი პარასკევს, 30 ივლისს ჩაეშვა ბეჭდვაში. ამ დროისათვის ჩვენი ქვეყნის დელეგაციის აქტივში უკვე იყო 1 ოქროს და 2 ვერცხლის მედალი. ისინი ძიუდოისტებმა მოიპოვეს. ვულოცავთ!



ლაშა ბექაური (ოქრო)



ლაშა მარგველაშვილი (ვერცხლი)



ვაჟა მარგველაშვილი (ვერცხლი)

შპს „თერჯოლა“		კორესპონდენტები:	აიწყო და დაკაბადონდა რედაქციის კომპიუტერულ ცენტრში	ჩვენი რეკვიზიტები:
გამომცემელი ვალერიან ბობიაშვილი	მთავარი რედაქტორი დავით კლდიაშვილი	ნ. გამყრელიძე—555 78 08 55	ო. მარუაშვილი—0(491) 22 15 16	„ლიბერთი ბანკი“
599 92 49 75	599 91 24 14	ჟ. ცხადაძე—558 90 82 55	მ. ცქიფურიშვილი—555 28 11 41	LBRTGE22,
სარედაქციო კოლეგია		მისამართი:		ანგარიში
რეგისტრაციის №53/5/ბ-22		გამოდის თვეში ორჯერ		GE32LB0113133960124000
		ელ-ფოსტა: gazetiterjola@mail.ru		ს/კ 231948872